



EPICEDIA.

LUCTVS THEOLOGORVM LIPSIENSIVM.



Era fides, studium pietatis amorque, futurae
Atque huius vitae praemia multa tenet,
Tempora longaeuae contingunt prospera vitae,
Qui sancta Numen religione colit,
Hic pietas & amor, mi GLEICHI, iam Tibi fructum
Annorum numero & prosperitate tulit,
At maiora Tuae fidei nunc dona probatae
Sedibus aeternis & sine fine capis.

Nunc Tua diuinis exultant tempora fertis,
Gaudia demulcent pectus & alma Tuum,
Nil Tibi iam sentis, *Venerande*, deesse beato,
Neq̄ deerit requies ossibus alta Tuis.

Immortali diui GLEICHI memoriae l. m. g. d.

CHRISTIAN. FRIDER. BOERNERVS,
S. Th. D. & Prof. Primarius, Eccl. Cathedr. Misn.
Custos, & Consistorii Lips. Assessor.

ET Tu, Deuenerande Senex, iam, corpore, linq̄is,
Deposito, terras, & petis astra poli!
O Te felicem! Cui contigit ante pericla
Morre suum placida proxima obire diem.
Nunc animam pascunt coelorum gaudia puram,
Inque suo tumulto molliter ossa cubant.
Ast obitum quot corda lugent, quot pectora plangunt!
Quot lacrymas, lessus quot ciet urna Tua!
Turba Camenarum, quam rerum deficit usus,
In Te, deplorant, occubuisse Patrem.
Ipse ego, qui Tecum, mi GLEICHI, junctus amore,
Iunctus amicitia, sorteque, junctus eram,